

www.BibleForChildren.org

Maatoosa 26



Paaziqa
bonchchiza
gallasipp usuppun
gallas tiinattii,
Yesuusa yhayiqopp
dentheez Alaazare yezi
heera, Bitana qiteeza.
Mayrama narddoosa giz
gaame al7o geesh shitto
ki7i Yesuusa toka tizheeza.
Fa binnannayir e toka ucceeza;
keetha ubbay shitto
sawor tonkki geeza.



Taphpho nam77ii tamaritaypp pettay Asiqoroto Yihuda ginttintizay Yesuusana qeese halaqitayis aathii immadayis untiko yhanigeeza.

U yeya si7ii ufaytii, «Nu neesi miishe immada» yeegeez gishos; Yihuda Yesuusana aathii ingodayis giiga gallas koyeeza.



E tamaritay Yesuusa kiiteezay garkk udii, Paaziqa Baale gallas maad katha giigiseeza. Unttii maadar, Yesuusa boora ekkii Xoossa galateeza. Ye boora baxxii fa tamaritayis inggii, «Yhashittee, moytta, yhayi ta asho» yeegeeza. Xuu7a ekkii, Xoossa galateeza. Unttis inggii, «Ubbay yhaypp uzhooyta. Yhayi gaame asay nagaray atto inttinttoday garkk gogiz oroth ta caaqo suuthii.»




Maaqqikka Yesuusa, «Simoonna, Simoonna, Xalahe yinttan gistte garkke harqqodayis woosseeza. Zin taanii ne ammanay dhabaam garkk nees woosseeza. Neekka maaqqeez wode ne ishita minthathob» yeegeeza. Simoonna, «Godayyo, taanii neer accinttodayisnee yhayqqodayis giigintteeza» yeegeeza. Yesuusa Phixiroosako, «Ta nees odiza; yhayino shugula uukkodaypp tiina ne tana hayidzii toke kaddoda» yeegeeza.



Ezaypp guye, Yesuusa fa
tamaaritayir Geetesemaane
giz aqo yhanigii, untiko,
«Taanii sendayid yhanigii
Xooss woossoda, yi
yhaydda bettoyta»
yeegeeza. Ma, «Aabbo,
abbabbo, ubba baz neesi
danda7inttiza, yha waaye
xuu7a taapp haasoba. Zin ne
shene hanopp attin ta shene
hanippe» yeegeeza.




Yeyi gishos, Yihuda paanoose, zhabbe, toorarannee
gondallera aykkeez gaame wotaaddarita, qeese
halaqitayinnee Ferisaawe asay kiitteez Xoossa Keethi
naagiz poolisita kaaleti ekkii, ye aqo
yhanigeeza. U ganccepp pettay
qeese halaqay ayillayis shocii
ushachch haytto gachchii
oleeza. Zin Yesuusa,
«Ashshoba!» yeegeeza.
Athay haya bochchii patheeza.



Yeyype guye, Yesuusa aykkii qeese halaqay zabbab kanggeeza. Phixiroosa haakor Yesuusa kaalliza. Asay qeese halaqay zabbayid tama eethii wolla betteezin Phixiroosa untar wolla betteeza.




Qeese halaqay ayllitayippe
pettay, Phixiroosa haya
gacheez athay dabbay,
Phixiroosako, «Taanii
nena ezar atakilittay
gancce be7ekkasanee?»
yeegii oyceeza. Phixiroosa
maakka kaddeeza. E yeya
geezan garkk shugula
uukkeeza. Phixiroosas bale
kezii dukka suuth yeekkeeza.





Ye aqayid shiiqeez ubbitay dendii
Yesuusana Philaaxoosako
kanggeeza. Philaaxoosa Yesuusana,
«Neenii Ayihuditay kaatonnee?»
yeegii oyceeza. Yesuusa, «Ee, ne
geezay garkke»
yeegeeza. Philaaxoosa
Yesuusana bili7odayis
koyii asayis mahii odeeza.

Maaqqozin, asay, «sottoba!
sottoba!» yeegii uukkeeza.




JYeypp guye, untii Yesuusa mazqalel
afa sottod garkk Philaaxoosa untis
aathii inggeeza. Untii Yesuusa aykkii
kanggeeza. Yesuusa fa mazqala
tookkii, «Omma ota» giz aqo
yhanigeeza. «Omma ota» guussay
Ibrayisxe qaalayir «Golggotta» guusii.



Unttii ye aqayid mazqalel afa Yesuusa
sotteeza. Ma ezar hara nam7i asita,
petta gede baggar yhankka yhana
baggar mazqalel afa sotteeza.



Ye gallas usuppun saatepp yhanigii uddufun saate gatho awa poo7o kayeez gishos biitta ubbayil afa dhuma maaqqeeza. Xooss Keeth magarazhay per7inttii nam77ii aqo shaakintteeza. Yesuusa, qaala dhoqqi udii, «Ta Adayyo, ta ta shemppato ne kushayid inggeeza» yeegii yhayqqeeza.



Sa7ay omarsseez gishos shiiqeez asay
gancce bonchchintteez Ayihude
shanggitaypp pettay, Yooseefa
giz athay, Xooss kaatetithay
ye7oda giittar yezay,
Armmatasa katama
asay ye7eeza.



Wonttitha mala wonttiza gallas
maaqqeez gisho Yooseefa miinggii
Philaaxoosak yhanigii,
Yesuusa aha ekkodayis
woosseeza. Yooseefa
moogo afila wonggii;
Yesuusa aha
mazqalaypp wothii,
afilar xaaxii,

zaallapp woocintteez
duufo gancce
moogeeza. Ma ye
duufay doonayid
damma shuchch
goli7isii gaddeeza.




Wonttitha maala gallas, qeese
halaqitaynnee Ferisaawitay
Philaaxoosako yi7ii, yhay
garkk yeegeeza:
«Godayyo, yha balithizay
pathi yezar, «Taanii
hayidzii gallasapp
guye yhayiqopp
dendoda»



yeegeezay
nuus elqqi geeza.»



Yey gishos, untii yhanigii duufay
bochinttamay garkk
shuchchayil afa
maatame attaamii
wotadarttayir wolla
gorddii naagiseeza.



Maala gallasay aadheed Wogga wode
guura, Magdeela Mayiramira
yhankko Mayrama Yesuusa
moogintteez duufa
be7adayis yhanigeeza.

Qoppekka wolqqama
biitta eni7o haneeza.

Naagizitay
kiitanchcha bi7ii,
yashshar

kukkurii, yhayqqeez
asgarkk haneeza. Goday
kiitanchchay salopp
wodhdhii duufay doonayil
yez shuchcha goli7isii
ezal afa betteeza.




Kiitanchchay maachitayiko,
«Yashittippate yi mazqalel afa
sotintteez Yesuusa koyizana
ta eriza. E tiin odeezay
garkk yhayiqopp
dendeeza; yhaydda
baaya. Yhana yi7ii
eza woytheez aqa
bo7oytta.»



Unttii yashittittarannee gaame ufayttittar,
duufay lanqqaypp ellisii yhanigii, e
tamaaritayis ododayis woxxeeza.

Qoppekkazin Yesuusa unttar
woli hellii unttiko, «Saro yinttis
maaqqo» yeegeeza. Unttii
eziko shiiqii, e toka
aykkii ezis goynneeza.





Guyepp taphpho pettii e tamaaritay katha maadar,
Yesuusa untis bentteeza. Untis ammano baazay
gishonnee yhayiqopp e dendeezana be7eez asay
odin u ammanaam ixxeezayis e untan boreeza.

Goda Yesuusa tamaaritayira nashsheezaypp
guye pude dendii salo kezeeza; Xoossapp
ushachch baggar betteeza.



Xoossay yha alame qadhdheez
gishos fa Na7a petta aath inggod
hellodayis cer doseezay eza
ammaniza ubbitay medhina
laattoday garkkepp attin
dhabaamay garkke.



Romans 3:23 Asii ubbay nagara ootheeza; Xoossii unttis inggeez bonchchaypp facceza.

Romans 6:23 Nagaras damoozay yhayiqo. Zin Xoossay, nu Goda Kiristtoos Yesuusa baggar ingginttizay medhina de7o.

Hebrews 9:27 As ubbayis pettii toke yhayqqodayis yeypp guye pirddinttodayis beeziza.

Ephesians 2:8,9 Yi paxeezay ammano baggar E aadho keehatithayira. Yeykka, Xooss imotapp attin yi oosor benttekkaya. Oonkka ceeqinttaamay garkk paxotith aadho keehatithay bentteezay as oosor baaya.



Romans 10:9,10 «Yesuusa Goda» gi ne doonar markkatikonnee Xoossay eza yhayiqopp dentheezana ne wozinar ammaniko, ne attoda. Asii fa wozinar ammanii xilliza; fa doonar markkattii attiza.

John 3:16,17 Xoossay yha alame qadhdheez gishos fa Na7a petta aath inggod hellodayis cer doseezay eza ammaniza ubbitay medhina laattoday garkkepp attin dhabaamay garkke. Xoossay fa Na7a yha alame kiitteezay alame pirddodayis baazin alama E baggar ashshodayisii.

1 John 5:11-13 Yikkee, markkatithay yhay; Xoossii nuus medhina de7o inggeeza; ye de7aykka e Na7ayir yez yeegizaya. Xooss Na7ay yez ooskka de7o yeza. Xooss Na7ay baa ooskka de7o baaya. Xooss Na7a ammaniza yinttis medhina de7o yezana yi eroday garkk yhay yinttis ta xaafeeza.



Maatoosa 26-28; Luqaasa 22-24; Waannisa 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Melo NT (mfx) The Word for the World Ethiopia

<https://www.bible.com/bible/4133/MAT.1.MELONTL>

©2026 Bible for Children, Inc.

www.M1914.org

www.bibleforchildren.org

